

REGIONAL NEWS UNIT
ALL INDIA RADIO, AGARTALA
Date: 20-04-2024
Time: 07:55-08:05 PM Hrs
BENGALI EVENING BULLETIN

Headlines :

(১) পশ্চিম ত্রিপুরা লোকসভা আসনের নির্বাচন ও রামনগর বিধানসভা আসনে উপনির্বাচনে গতকাল ভোট গ্রহণের পর ইভিএম, ভিডিপ্যাটগুলো কড়া নিরাপত্তার মধ্যে স্ট্রংরুমে রাখা হয়েছে।

(২) পূর্ব ত্রিপুরা সংসদীয় ক্ষেত্রে আগামীকাল থেকে শুরু হবে ভোটকর্মী এবং সংবাদ মাধ্যমের কর্মীদের ভোটদান কর্মসূচি।

(৩) সাধারণ নির্বাচনের প্রথম দফার ভোটগ্রহণ শেষ হওয়ার পর, লোকসভা নির্বাচনের দ্বিতীয় দফার প্রচার জোরদার হয়েছে।

(৪) রাজ্যের উপজাতীদের অন্যতম প্রধান উৎসব বাবা গড়িয়া পূজা আজ শুরু হয়েছে।

(৫) সমীরণ চক্রবর্তী স্মৃতি ঘরোয়া টি-২০ ক্রিকেট প্রতিযোগিতার ফাইনালে খেলবে ইউনাইটেড ফ্রেন্ডস সংহতি ক্লাবের বিরুদ্ধে।

Post Poll Scenario :

পশ্চিম ত্রিপুরা লোকসভা আসনের নির্বাচন ও রামনগর বিধানসভা আসনে উপনির্বাচনে গতকাল ভোট গ্রহণের পর ইভিএম, ভিভিপ্যাটগুলো কড়া নিরাপত্তার মধ্যে স্ট্রং‌রুমে রাখা হয়েছে। রাজ্যের অতিরিক্ত মুখ্য নির্বাচন আধিকারিক উষাজেন মগ জানিয়েছেন, পশ্চিম ত্রিপুরা লোকসভা আসনে রয়েছে ৩০টি বিধানসভা কেন্দ্র। সে অনুযায়ী পশ্চিম জেলায় ১টি স্থানে, সিপাহীজলা জেলায় ৩টি, গোমতি জেলায় ১টি ও দক্ষিণ জেলায় ১টি স্থানে স্ট্রং রুমগুলিতে ই.ভি.এম ও ভি.ভি.প্যাটগুলি রাখা হয়েছে। স্ট্রং রুমগুলি পাহারার দায়িত্বে রয়েছে কেন্দ্রীয় নিরাপত্তা বাহিনীর জওয়ানেরা। দুই স্তরের নিরাপত্তা বলয় থাকবে প্রতিটি স্ট্রং রুমের সামনে। এদিকে আজ পশ্চিম ত্রিপুরা লোকসভা আসনের রিটার্নিং অফিসার তথা জেলা শাসক ডা: বিশাল কুমারের পৌরহিত্যে নির্বাচনে প্রতিদ্বন্দ্বী প্রার্থী ও রাজনৈতিক দলের প্রতিনিধিদের নিয়ে আজ ভোট গ্রহণ পর্ব পর্যালোচনা করা হয়। অতিরিক্ত মুখ্য নির্বাচন আধিকারিক সুভাশীষ ব্যানার্জি জানিয়েছেন, নির্বাচন পর্ব শেষ হলেও পশ্চিম জেলার বিভিন্ন স্থানে কেন্দ্রীয় বাহিনীর টহল জারি থাকবে।

Election Postal Ballot :

উত্তর ত্রিপুরার জেলা শাসক দেবপ্রিয় বর্ধন জানিয়েছেন পূর্ব ত্রিপুরা সংসদীয় ক্ষেত্রে আগামীকাল থেকে শুরু হবে ভোটকর্মী এবং সংবাদ মাধ্যমের কর্মীদের ভোটদান কর্মসূচি। ভোটগ্রহণ পর্ব চলবে আগামীকাল ও পরশু। ইতিমধ্যে ভোট কর্মীরা বাড়ি বাড়ি

গিয়ে ৮৫ বছরের উর্ধ্ব এবং বিশেষভাবে সক্ষম ব্যক্তিদের কাছ থেকে ভোটগ্রহণের কাজ সম্পন্ন করেছেন। এই প্রক্রিয়ার মাধ্যমে ৯৮% ভোট গ্রহন করা হয়েছে।

Strong room-Gomati :

পশ্চিম ত্রিপুরা লোকসভা আসনে গোমতী জেলার চারটি বিধানসভায় এলাকার ২৪৪ ভোট কেন্দ্রের ই.ভি.এম ও ভি.ভি.প্যাট গুলি উদয়পুর রমেশ স্কুলের স্ট্রং রুমে রাখা হয়েছে। কেন্দ্রীয় বাহিনীর জওয়ানদের প্রহরায় রয়েছে স্ট্রং রুমগুলি। একইসঙ্গে রমেশ স্কুলের চারপাশের নিরাপত্তা জোরদার করা হয়েছে। জেলা নির্বাচনী অধিকারীক তথা জেলা শাসক তড়িৎ কান্তি চাকমা আজ আকাশবাণীর গোমতী জেলা প্রতিনিধিকে একথা জানান। তিনি জানান, পশ্চিম ত্রিপুরা লোকসভা আসনের নির্বাচনে গোমতি জেলায় ভোট পড়েছে ৭৮.৩ শতাংশ। এর মধ্যে বাগমা বিধানসভা কেন্দ্রে ভোট পড়েছে ৭৩.৪২ শতাংশ, রাধাকিশোরপুর কেন্দ্রে ৮০.৪৮ শতাংশ, মাতাবাড়ীতে ৭৯.৮৯ শতাংশ ও কাকড়াবন-শালগড়া কেন্দ্রে ভোট পড়েছে ৭৯.৪%। মোট ভোট পরেছে ৭৮.৩ শতাংশ।

Current Affairs :

আগামী ২৬শে এপ্রিল ত্রিপুরা পূর্ব লোকসভা কেন্দ্রের ভোটগ্রহন সুষ্ঠু ও শান্তিপূর্ণ ভাবে সম্পন্ন করতে সব রকম প্রস্তুতি প্রায় চূড়ান্ত পর্যায়ে। আজ আকাশবাণী আগরতলার সংবাদ বিভাগের সাপ্তাহিক আলোচনা অনুষ্ঠানে এই কথা বলেন পূর্ব আসনের

রিটার্নিং অফিসার তথা ধলাই জেলার জেলা শাসক সাজু ওয়াহিদ এ। তিনি বলেন এবার ভোট কেন্দ্রে ভোটারদের জন্য পানীয় জল, বয়স্ক ও দিব্যাঙ্গ ভোটারদের জন্য রেম্প ও হুইল চেয়ার, সহ ছাউনির ব্যবস্থা করছে কমিশন। পূর্ব আসনের সকল ভোটারদের নিশ্চিত্তে ভোটদানে এগিয়ে আসারও আহ্বান জানান রিটার্নিং অফিসার সাজু ওয়াহিদ এ।

Training :

কৈলাশহরের ঊনকোটি কলাক্ষেত্রে আসন্ন লোকসভা নির্বাচনকে সামনে রেখে অতিরিক্ত ভোটকর্মীদের প্রশিক্ষণ কর্মসূচি আজ অনুষ্ঠিত হয়। উল্লেখ্য, ভোটের দিনে পাঁচ জনের ভোটকর্মী দল সহ প্রতিটি বুথে একজন করে অতিরিক্ত ভোটকর্মী ভোটার সনাক্তকরণ ও সেক্টর অফিসার ও মাইক্রো-অবজারভারদের মধ্যে সমন্বয়ের কাজ করবেন। নির্বাচন কমিশনের নির্দেশিকা মেনে সরকারী কর্মচারীদের অতিরিক্ত ভোটকর্মী হিসাবে নিযুক্তি দেওয়া হয়েছে। কৈলাশহরে আজ ১৩৬ জন অতিরিক্ত ভোটকর্মী প্রশিক্ষণ নিয়েছেন। আজকের কর্মসূচিতে উপস্থিত ছিলেন, পূর্ব ত্রিপুরা সংসদীয় আসনের সহকারী রিটার্নিং অফিসার তথা কৈলাশহরের মহকুমা শাসক প্রদীপ সরকার, অতিরিক্ত মহকুমা শাসক নবকুমার জমাতিয়া প্রমুখ।

CM-East Tripura :

মুখ্যমন্ত্রী অধ্যাপক ডা: মানিক সাহা আজ পূর্ব ত্রিপুরা লোকসভা আসনের নির্বাচনে বিজেপি প্রার্থী কৃতি দেবী দেববর্মণ সমর্থনে

লংতরাইভ্যালি মহকুমার ছৈলেংটায় একটি রোড শো-তে অংশ নেন। এই কর্মসূচিতে অন্যান্যদের মধ্যে উপস্থিত ছিলেন সমাজ কল্যাণ ও সমাজ শিক্ষামন্ত্রী টিংকু রায়, বিধায়ক শম্ভুলাল চাকমা, বিজেপি ধলাই জেলা কমিটির সভাপতি পতিরাম ত্রিপুরা প্রমুখ। এরপর মুখ্যমন্ত্রী মনু বাজারে আয়োজিত একটি নির্বাচনী জনসভায় বক্তব্য রাখেন। এরপর সন্ধ্যায় কমলপুরেও একটি রোড শো-তে উপস্থিত ছিলেন মুখ্যমন্ত্রী।

Election, 2nd phase :

সাধারণ নির্বাচনের প্রথম দফার ভোটগ্রহণ শেষ হওয়ার পর, লোকসভা নির্বাচনের দ্বিতীয় দফার প্রচার জোরদার হয়েছে। দ্বিতীয় পর্বে এই মাসের ২৬ তারিখে আউটার মণিপুর লোকসভা কেন্দ্রের অবশিষ্ট অংশ সহ ১২টি রাজ্য এবং কেন্দ্রশাসিত অঞ্চলের ৮৮টি সংসদীয় আসনে ভোটগ্রহণ করা হবে। ভোটারদের আকৃষ্ট করতে বিভিন্ন রাজনৈতিক দলের বরিষ্ঠ নেতারা সারাদেশে সমাবেশে বক্তব্য রাখছেন। প্রধানমন্ত্রী ও বরিষ্ঠ বিজেপি নেতা নরেন্দ্র মোদি মহারাষ্ট্রের নান্দেদ ও পারভানিতে নির্বাচনী জনসভায় আজ ভাষণ দেন। গতকাল লোকসভা নির্বাচনের প্রথম পর্যায়ে উচ্চ হারে ভোটারদের উপস্থিতিতে তিনি সন্তোষ প্রকাশ করেছেন। তিনি বলেন, দেশে চলমান গণতন্ত্রের এই উৎসবে সর্বোচ্চ ভোট নিশ্চিত করতে হবে।

তিনি এনডিএ সরকারের অর্জনগুলি তুলে ধরেন। তিনি আরও বলেন, আগামী ২৫ বছর হবে বিশ্বে ভারতের মহত্বের বছর।

তিনি কৃষকদের কল্যাণে গৃহীত বিভিন্ন পদক্ষেপগুলি উল্লেখ করেন।

প্রধানমন্ত্রী আজ কর্ণাটকের চিক্কাবাল্লাপুর এবং বেঙ্গালুরুতে জনসভা করেন।

কর্ণাটকের মুখ্যমন্ত্রী এবং কংগ্রেস নেতা সিদারামাইয়া মহীশূর এবং মান্ডা নির্বাচনী এলাকায় প্রচার করেন, অন্যদিকে কর্ণাটকের উপ-মুখ্যমন্ত্রী ডি কে শিবকুমার আজ মান্ডায় প্রচার করেন।

বিহারের ভাগলপুরে এক নির্বাচনী জনসভায় ভাষণ দেন কংগ্রেস নেতা রাহুল গান্ধী। তিনি বলেন, ইন্ডিয়া ব্লক ক্ষমতায় এলে দরিদ্র ও আদিবাসীদের কল্যাণে কাজ করবে।

Baba Garia puja :

রাজ্যের উপজাতীদের অন্যতম প্রধান উৎসব বাবা গড়িয়া পূজা আজ শুরু হয়েছে। রাজ্যের জাতি উপজাতি উভয় অংশের জনগন এই উৎসবে সামিল হন। প্রথা অনুযায়ী চৈত্র সংক্রান্তি তিথিতে বাবা গড়িয়ার পরিক্রমার মধ্যে দিয়ে এই পূজা শুরু হয়। জমাতিয়া হ্দার সম্পাদক অমূল্য জমাতিয়া জানিয়েছেন, গতকালই উদয়পুরের পিত্রায় বাবা গরিয়ার সাত দিন ব্যাপী পরিক্রমা শেষ হয়েছে। জমাতিয়া হদা অক্রা মনীন্দ্র মোহন জমাতিয়া বিধি বদ্ধভাবে বাবা গরিয়ার পূজা পরিচালনা করেন। পারিবারিক সুখ সমৃদ্ধি ও ভাল ফসলের উৎপাদনের কামনায় এই পূজার আয়োজন করা হয়। রাজধানী আগরতলাসহ রাজ্যের বিভিন্ন স্থানেও জাঁকজমকপূর্ণভাবে এই পূজার আয়োজন করা

হয়েছে। শহরের বিভিন্ন এলাকায় বাঁশের কারুকাজ করা সুদৃশ্য মন্ডপে এই পূজা চলছে।

Governor-Garia Puja :

রাজ্যপাল ইন্দ্রসেনা রেডিও নাল্লু গড়িয়া পূজা উপলক্ষে রাজ্যবাসীকে শুভেচ্ছা ও অভিনন্দন জানিয়েছেন। এক শুভেচ্ছা বার্তায় রাজ্যপাল বলেন, গড়িয়া দেবতাকে সম্পদ ও গৃহপালিত প্রাণীর দেবতা হিসেবে গৃহস্থালির শুভ শক্তি রূপে বিবেচনা করা হয়। সমৃদ্ধি ও শ্রদ্ধারও প্রতীক এই গড়িয়া দেবতা।' গড়িয়া পূজা ও উৎসব রাজ্যবাসীর জীবনে সুখ-শান্তি, ভালবাসা নিয়ে আসবে এবং সৌভ্রাতৃত্বের বন্ধনকে আরো সুদৃঢ় করবে বলে রাজ্যপাল আশা ব্যক্ত করেন।

BJP-NORTH :

পূৰ্ব ত্ৰিপুৰা লোকসভা আসনের বিজেপি প্ৰাৰ্থী কৃতি দেবী দেববৰ্মণ সমৰ্থনে উত্তৰ জেলার শনিছড়ার জয়নগর স্কুল মাঠে আজ এক জনসভা হয়। উপস্থিত ছিলেন পশ্চিম ত্ৰিপুৰা লোকসভা আসনের প্ৰাৰ্থী সাংসদ বিপ্লব কুমাৰ দেব, বিধায়ক যাদব লাল নাথ ও বিনয় ভূষণ দাস বিজেপি'র উত্তৰ জেলার সভাপতি কাজল দাস প্ৰমুখ। সাংসদ বিপ্লব কুমাৰ দেব বলেন, গতকাল ত্ৰিপুৰার মানুৰ শান্তিপূৰ্ণভাবে এবং ভাৰতবৰ্ষের মধ্যে ৰেকৰ্ড সংখ্যায় উৎসবের মেজাজে ভোট দিয়েছেন। ইন্ডিয়া জোটের সমালোচনা করে তিনি বলেন, সিপিআইএম ও কংগ্ৰেস দলের পক্ষ থেকে জনকল্যাণে কোনো কৰ্মসূচি নেই।

M.P Biplab Kumar Deb-Kailashahar :

B.J.P 'র উদ্যোগে আজ বিকালে কৈলাশহরের বাবুৰবাজারে এক নিৰ্বাচনী জনসভা অনুষ্ঠিত হয়। এখানে প্ৰধান বক্তার ভাষণে ৰাজ্যের প্ৰাক্তন মুখ্যমন্ত্রী, বৰ্তমান ৰাজ্যসভার সাংসদ বিপ্লব কুমাৰ দেব বলেন, BJP সবসময় মানুৰের মঙ্গলের জন্য কাজ করে। বৰ্তমান কেন্দ্ৰ ও ৰাজ্য সরকার স্বচ্ছতার সঙ্গে জনকল্যাণে কাজ করে চলেছে। এই জনসভায় অন্যান্যদের মধ্যে উপস্থিত ছিলেন, শ্ৰমমন্ত্রী টিংকু ৰায়, বি.জে.পি'র সংখ্যালঘু মোৰ্চাৰ প্ৰদেশ সভাপতি বিল্লাল মিঞা, ৰাজ্য ওয়াকফ বোর্ডের চেয়ারম্যান মবস্বৰ আলি প্ৰমুখ।

INDIA Bloc-North :

পূর্ব ত্রিপুরা লোকসভা আসনে ইন্ডিয়া জোটের সিপিআইএম প্রার্থী রাজেন্দ্র রিয়াং-এর সমর্থনে ধর্মনগরে আজ এক র্যালী অনুষ্ঠিত হয়। পরে জেলা কংগ্রেস ভবনের সামনে এক সভায় মুখ্য বক্তা হিসেবে উপস্থিত ছিলেন রাজ্য বিধানসভার বিরোধী দলনেতা জিতেন্দ্র চৌধুরী। এছাড়াও ছিলেন সিপিআইএমের রাজ্য সম্পাদক মন্ডলীর সদস্য পবিত্র কর, সিপিআইএমের উত্তর জেলা সম্পাদক অমিতাভ দত্ত, প্রদেশ কংসের সম্পাদক চয়ন ভট্টাচার্য, জেলা কংগ্রেসের সভাপতি আইনজীবী অর্জিত দাস সহ জোটের অন্যান্য নেতৃত্বরা। বিরোধী দলনেতা জিতেন্দ্র চৌধুরী অভিযোগ করেন, ১০ বছর কার্যকালের মধ্যে বিজেপি নেতৃত্বাধীন এন.ডি.এ সরকার তাদের প্রতিশ্রুতি পূরণ করতে পারেনি। শ্রী চৌধুরী বলেন, ভিশন ডকুমেন্ট অনুযায়ী বারে বারে ত্রিপুরাকে মডেল রাজ্যে পরিণত করার কথা বললেও রাজ্যের অবস্থার কোন পরিবর্তন হয়নি। তিনি অভিযোগ করেন, রাজ্যে গতকালের নির্বাচনকে সরকার প্রহসনে পরিণত করেছে। তিনি ইন্ডিয়া জোটের প্রার্থী রাজেন্দ্র রিয়াংকে ভোটে জয়ী করার আহ্বান জানান।

CPIM-South :

পূর্ব ত্রিপুরা লোকসভা আসনের ইন্ডিয়া জোটের সিপিআইএম প্রার্থী রাজেন্দ্র রিয়াং-এর সমর্থনে আজ ঋষ্যমুখ বিধানসভার মনিরামপুর, সোনাইবাড়ি ও গোবিনবাড়িতে নির্বাচনী সভা অনুষ্ঠিত হয়। সভাগুলিতে বামফ্রন্ট নেতা দীপংকর সেন ও অশোক কুমার মিত্র, সুধন দাস, সিপিআইএম বিলোনিয়া মহকুমা সম্পাদক তাপস দত্ত, কংগ্রেস নেতা গোবিন্দ ত্রিপুরা প্রমুখ বক্তব্য রাখেন।

I.N.D.I.A Bloc's-Kailashahar :

আসন্ন অষ্টাদশ লোকসভা নির্বাচনকে সামনে রেখে পূর্ব ত্রিপুরা সংসদীয় আসনের ইন্ডিয়া জোন্টের প্রার্থী রাজেন্দ্র রিয়াং এর সমর্থনে আজ কৈলাশহরের কাচেরঘাট এলাকায় বাড়ি বাড়ি ভোট প্রচার করা হয়। কংগ্রেস ও সি পি আই (এম) এর নেতা ও কর্মীরা এই প্রচার কর্মসূচিতে অংশ নেন। এই উপলক্ষে ভোটারদের কাছে প্রচারপত্র ও তুলে দেওয়া হয়। বর্তমান রাজনৈতিক পরিস্থিতি ভোটারদের সামনে তুলে ধরে ভোট দেবার প্রার্থনা জানানো হয়। P.C.C সদস্য রুদ্রেন্দু ভট্টাচার্য সুষ্ঠু, অবাধ, শান্তিপূর্ণ ও ভয়মুক্ত পরিবেশে নির্বাচনপর্ব সম্পন্ন করার দাবি জানান।

CPIM Camping-Sabroom :

পূর্ব ত্রিপুরা লোকসভা আসনে সিপিআইএম প্রার্থী রাজেন্দ্র রিয়াং-র সমর্থনে আজ মনু বিধানসভা কেন্দ্রের পোয়াংপাড়া, বাগমারা, তৈকুম্ভার, বন্ধন বাজার ও মাইরাছড়িতে ইন্ডিয়া জোন্টের নির্বাচনী সভা অনুষ্ঠিত হয়। সভাগুলিতে বক্তব্য রাখেন প্রাক্তন বিধায়ক প্রভাত চৌধুরী, সিপিআইএম সাব্রুম মহকুমা সম্পাদক অরুণ ত্রিপুরা, সিটি নেতা দীপক দে প্রমুখ। সাব্রুম শহরে আজ ইন্ডিয়া জোন্টের প্রার্থীর সমর্থনে মিছিল বিভিন্ন পথ পরিক্রমা করে।

T-20 Cricket :

টিসিএ পরিচালিত সমীরণ চক্রবর্তী স্মৃতি ঘরোয়া টি-২০ ক্রিকেট প্রতিযোগিতার ফাইনালে ইউনাইটেড ফ্রেন্ডস খেলবে সংহতি

ক্লাবের বিরুদ্ধে। আগামী ২২ এপ্রিল ফাইন্যাল ম্যাচটি হবে। আজ আসরের দুটি সেমিফাইনাল অনুষ্ঠিত হয়। এমবিবি স্টেডিয়ামে অনুষ্ঠিত সেমিফাইনালে ইউনাইটেড ফ্রেন্ডস ৪ উইকেটে চলমান সংঘকে এবং নরসিংগড়ের পিটিএ মাঠে অপর সেমিফাইনালে সংহতি ক্লাব ৭ উইকেটে জয়নগর ক্রিকেট ক্লাবকে পরাজিত করে।

Senior Cricket Santirbazar :

শান্তিরবাজার ক্রিকেট এসোসিয়েশন আয়োজিত মহকুমা সিনিয়র ক্রিকেট টুর্নামেন্ট চ্যালেঞ্জার ট্রফি আজ থেকে বাইখোড়া স্কুল মাঠে শুরু হয়েছে। আসরের প্রথম ম্যাচে মুহুরীপুর জনকল্যাণ সমিতি ৯ উইকেটে বাইখোড়া জগন্নাথ পাড়া প্লে সেন্টারকে পরাজিত করে। টসে জিতে প্রথমে ব্যাট করতে নেমে জগন্নাথ পাড়া প্লে সেন্টার ২৩ ওভার ৩ বলে ১২৫ রান সংগ্রহ করে। জবাবে বিজয়ী দল ১ উইকেট হারিয়ে ৯ ওভার ৩ বলে ১৩১ রান করে।

Weather :

আগামীকাল আকাশ আংশিক মেঘাচ্ছন্ন থাকবে। দুই একটি জায়গায় বজ্র বিদ্যুত সহ বৃষ্টিপাতের সম্ভাবনা রয়েছে। তাপমাত্রা সর্বোচ্চ আটত্রিশ ডিগ্রী এবং সর্বনিম্ন আঠাস ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল সাতাশ দশমিক পাঁচ ডিগ্রী এবং সর্বনিম্ন বাইশ দশমিক চার ডিগ্রী সেলসিয়াস। আগামী চব্বিশ ঘণ্টায় রাজ্যের সব জেলায়

বিক্ষিপ্তভাবে বজ্র বিদ্যুত সহ বৃষ্টি সঙ্গে ঘন্টায় ত্রিশ থেকে চল্লিশ
কিলোমিটার বেগে ঝড়ো হাওয়া বয়ে যাওয়ার সতর্কতা জারি
করেছে আবহাওয়া দপ্তর।
